

# La baselgia piarda il fundament

Il historicher e teolog Urban Fink ha tschintschau igl gliendisgis vargau ella claustra da Glion dad ina situaziun dramatica. La pli-part dalla populaziun taglia ils ligioms culla baselgia ed en consequenza ston buca mo las claustras sefatschentar pli da rudien cuagl avegnir. Biaras pleivs san per munconza da daners medemamein buc exequir pli lur incumbensas.

ANDREAS CADONAU/FMR

Il historicher e teolog *Urban Fink* ha a caschun digl apero da Daniev da San Gottardo igl gliendisgis vargau ella claustra da Glion buca mo purschiu in excuors ella historia dallas claustras svizras. El ei era sefatschentaus cun la situaziun actuala dallas cuminonzas religiusas che ston anflar in niev intent sco per exempel la claustra da Glion. Per munconza da persunal aschiden-gi perquei che la media da vegliadetgna dallas soras dominicanas da Glion ha surpassau la sa-va dad 80 onns. Per Urban Fink ei la situaziun

«Jeu sperel che la claustra da Glion survegni sustegn.»

Urban Fink, historicher e teolog

dalla pli-part dallas pleivs svizras semeglionta al-las claustras. «Ei dat bein singulas pleivs en en-tgins marcaus che han avunda daners.» La gronda part dallas pleivs ei denton en pitgiras finanzialas e han fadigia da mantener ils agen edifezis. Il historicher e teolog ei dil meini ch'ei seigi impurtont da valetar la situaziun a moda realistica ed Urban Fink ha avertiu da senti-mentalitats fallidas. Al cussegl da fundaziun dalla claustra da Glion ha el dau bunas notas pertuccont ils plans per il futur dalla claustra. «Jeu sperel che la claustra survegni sustegn avunda sin la via futura.»

Pagina 5

## Claustra, nua vas?

Dieu è sin il letg da mort – er en Surselva. Quest facit (provocativ!) pudessan ins far sunter l'apero da Bumaun dal program da San Gottardo en la claustra da Glion. I sa mussia numnadamain pli e pli che la glieud taglia ses lioms cun la Baselgia, uschia l'istoricher e teolog *Urban Fink*. Tant pli èsi era tenor el uss il dretg mument da du-mandar: Claustra, nua vas?

Pagina 5



La claustra da Glion sto sa fatschentar cun ses avegnir.

FOTO AUGUSTIN BEELI

## SURSELVA

Mesemna, ils 14 da schaner 2026

5

# «La situaziun ei dramatica»

Urban Fink ha discurriu da consequenzas fatalas per las pleivs. Perquei ch'adina dapli personas volvan il dies alla baselgia en Svizra mauncan beingleiti ils daners per pagar il persunal e per mantener ils edifezis. Il historicher e teolog ei s'exprimius il gliendisgis vargau a caschun digl apero da Daniev da San Gottardo ella claustra da Glion.

ANDREAS CADONAU/FMR

«Jeu hai empriu da senudar da sora Ber-ta, pli u meins.» Quei ha il cusseglier na-zional *Martin Candinas* tradiu il gliendis-gis vargau ella claustra da Glion a ca-schun digl apero da Daniev da San Got-tardo. Igl avegnir dalla claustra ei stau in dils temas che l'organisaziun che sespro-va da promover l'economia egl intsches dil Pass dil Gotthard ha plidentau il gliendisgis vargau. E *Martin Candinas* ei staus envidaus da s'exprimer davart la muntada historica e contemporana che la claustra ha per la Surselva. Ina institu-ziun che ha festivau igl onn vargau siu 160avel onn d'existenza.

## Las baselgias van da rendiu

Dapli detagls dalla historia dallas clau-tras en Svizra ha il historicher e teolog *Urban Fink* purschiu. Il destin dalla claustra da Glion che sto sefatschentar cuagl avegnir senza la cuminonza dallas soras dominicanas ei buc unics en Svi-zra. «Denter ils onns 1980 entochen 2020 ein 70 % dils convents ton dad umens sco da dunnas svani en Svizra.» Il historicher ei perschuadius che quel-la tendenza cuntinuescha. Urban Fink ha puntuau a Glion ch'ei seigi impur-tont da mantener ina eglia da nunsenti-mentala sils fatgs. Tenor sias explica-ziuns stat la digren dallas cuminonzas claustralas en stretga relaziun cun ina populaziun che taglia cuntinuadamein



Ein s'exprimi a caschun digl apero da Daniev da San Gottardo (da sen.): il historicher e teolog Urban Fink, la menadra da gestiun da San Gottardo, Nadja Germann e Christina Raab, il schef digl Uffeci d'economia dil cantun Uri.

FOTO ANDREAS CADONAU

ils ligioms cun la baselgia. «Il svilup ei dramatics.»

Urban Fink ha documentau per exem-pel il svilup dil cantun Soluturn, nua ch'el ei dacasa. «Igl onn 1950 era 90 %

dalla populaziun part dalla baselgia cato-lica.» El marcau da Soluturn appartegn ussa sulet ina tiarza da habitontas e habi-tonts ad ina dallas baselgias cantunalas. Tenor il historicher e teolog crescha la

## Pli datier alla populaziun

L'organisaziun San Gottardo che promova dapi 20 onns l'economia egl intsches dil Pass dil Gotthard ha da-pi igl atun 2025 sia sedia ella claustra da Glion. Quei ha la menadra da ge-stiun da San Gottardo *Nadja Ger-mann* tradiu a caschun digl apero da Daniev il gliendisgis vargau. Ella ha getg che l'organisaziun finanziada dalla Confederaziun e dils cantuns Tessin, Uri e Grischun vegli seplazzar pli datier alla populaziun ed alla eco-nomia. «Nus duvrein ils contacts ed ils impuls da quella vart.» San Gottar-do sustegn projects ed ideas innova-tivas e contribuescha per part era da-ners. Il menader digl Uffeci d'econo-mia e traffic public dil cantun Uri, *Christian Raab* ha presentau a Glion las relaziuns economicas egl intsches dil Gotthard e la lavur da San Gottar-do per mantener in attractiv liug da viver e habitar. (fmr/ac)

cumpart dalla populaziun senza relegiun pli fetg els marcaus. «Fagei neginas illu-siuns, silla tiara muossa la tendenza ella medema direcziun, ils svilup setardescha leu silpli empau.»

## Tscherar in niev intent

Tenor Urban Fink ston buca mo las claustras urgentamein sefatschentar cun igl avegnir, mobien era las pleivs. «Allas pleivs mauncan ils daners, dad ina vart per pagar il persunal e per l'autra per mantener las baselgias.» In cert cunfiert ha il teolog e historicher lu tuttina aunc saviu porscher il margis vargau alla clau-stra da Glion. El ha dau d'entellir che las claustras seigien gia da vegl enneu stadas suttamessas a grondas midadas. Il histo-riker ei perschuadius che las claustras da dunnas han mess in impurtont fun-dament per il feminissem. Ed Urban Fink ei perschuadis che las claustras piardan lur intent senza las cuminonzas relegiusas. Davart ils plans da vender la claustra da Glion eis el medemamin s'exprimius: «Dad ordvart para la solu-ziun ch'ils cussegl da fundaziun ha pre-sentau plausibla.» Urban Fink gi che la tscherca dad investurs per dar alla clau-stra in niev intent seigi digna da vegnir sustenida dalla vischnaunca da Glion sco dalla entira regiun.

Martin Candinas havess il pli bugen sche las soras dominicanas dessan vina-von la tempra decisiva alla claustra da Glion. Quei para denton pauc realistic, aschia ch'il cusseglier naziunal vesa il fu-tur dalla claustra sco liug da habitar e da luvrar per la populaziun indigena. Em-prender «pli u meins» da senudar da sora Berta ei gia dapi onns buca pli pusseivel ella claustra da Glion.